

光緒重修安徽通志

重修安徽通志卷六十六

河渠志

水利二

廬州府

合肥縣三十六圩宋隆興中薛季宣淮西視師表廢田相原隲

復此圩合肥之坪邊有警因以斷柵江保巢湖

宋史薛季宣傳

按合肥今有七十七圩東鄉之大者上大圩姚埠圩各田千餘石南鄉最大者東灣圩田至三千六百石次下大圩牛角大圩同大圩施家灣圩各田千餘石

百子河在城東五十五里灌田千畝

烏柏壩在城東六十里灌田千畝

長甯河在城東六十里灌田數千畝

孔源五大塘在城東六十里灌田三百畝

富家壩在城東六十里灌田三百畝

長壩蕩在城東六十里灌田三百畝

盛甯沖在城東六十五里灌田四百畝

陸家阪壩在城東六十五里潛溪河灌田四百畝

牛背塘在城東六十五里灌田五百畝

六車陂在撮城西四里灌田七百畝

草塘陂在撮城東二里灌田四百畝

宣家壩在撮城南三里灌田千餘畝

老壩障撮城河在撮城南十里灌田數萬畝

潮城塘在城南三十里灌田三百畝

莢家河在城南三十五里通豐樂河灌田甚多

胡家大塘在城南三十五里通豐樂河灌田三百餘畝

永安塘在城南六十三里灌田三百餘畝

護城河在西平門左一名樓河以稻香樓得名

石河在西平門右灌田千五百餘畝

黑池壩在石河北灌田千五百餘畝

小官塘在城西七十五里花子岡西灌田千二百畝

金城河卽鐵索澗在城西九十里雙峯頂東北灌田三百畝

陸家陂在城東北三十里灌田千餘畝

浪陂塘在城東北七十里石塘橋北灌田千餘畝

徐家官塘在城北九十里小馮集西灌田五百畝

陷湖陂在城東北七十里梁縣鄉東南灌田二千畝

竹絲壩在城東北九十里小峴口灌田千畝

袁楊壩在城東北百一十里小龍山南灌田千餘畝

馮家壩在城東北一百三十里古城集灌田千餘畝

以上合肥

廬江縣西官塘溉田百餘頃縣境之塘凡六十有二俱爲灌漑之利

白湖周圍七十餘里跨六鄉與巢湖連

黃陂湖在縣東南十五里徑八里

沙湖在縣東南十里徑七里許與黃陂湖相連

後湖在縣東二十里黃陂湖之北由塘缺河通白湖

以上廬江

按府志載廬江圩一百六十有三堰三十有一壩十有三

舒城縣七門堰在縣西南七門山下三堰之源在焉三堰者一烏羊堰在縣南一十五里一千功堰在縣南二十里一漕贖堰在縣南舒門外與七門堰共灌田二萬餘頃俱漢龔頡侯所築

後漢末劉馥經理之爲灌溉之利今古蹟並存

舊按烏羊堰近被沙漲盡成陸地後於堰東開包家溝以灌

諸田

同治縣志云三堰廢壞已久所灌田畝均成旱地

洋萍陂在楊林鋪

古羅漢堰在縣南七里

周文質堰在界河

陳山塘在春秋山

春秋塘在石山嘴

破山塘在王家墩

南塘在小馬廠

大沖塘在長岡

小沖塘在築城墩

官陂塘在鶯鶯廟

六冲塘在雙女墩

翟公陂在縣東三十五里

十丈陂在板山

以上舒城

按舒城縣志載圩共六十五

無爲州新壩在州南舊時江流東注至鮎魚口地勢最下明代至

國朝順治中州守屢築隄曰一壩二壩三壩四壩而屢圯計州境民田漸次陸沈於江者四十餘里康熙八年知州顏堯揆築新壩八百八十丈後大水破諸壩而境內圩田以新壩得免今名顏公壩

神塘隄在州南四十里明萬曆九年築民田皆成膏腴

清水堰在州東津門外灌田百頃

黃金城牖在州北十五里環流大小圩八十所舊以木爲之明正統元年始發以石旱澇無患今名季家牖

鶴毛河在州南九十里源出九鄉山及白錫嶺溉山圩田千餘頃

西河在州西南七十五里承黃白二湖之水溉田尤多

永安河在州西四十里源自白石山至襄安鎮溉田四十餘頃泥汊河在州東南四十里下通大江溉田二千餘頃

直阜河在州東南十里四時常流兩岸圩田賴此灌漑

裏河沿河山圩田畝各千餘頃皆資灌漑

馬腸河一名青魚港灌田百餘頃

黃洛河在州東北三十五里西接巢湖南接州河東注運漕歸



裕溪入江灌田數千頃

奧龍河在州東百二十里灌田千餘畝

裕溪河在州東百二十里東鄉下游田畝賴以灌溉

石灰河在州南百里灌田五千餘頃

新河卽下河乾隆十年總督尹繼善開

引河在永城圩北乾隆五十八年巡撫朱珪開

月河在荻港圩北乾隆五十三年巡撫書麟開

上河在大成圩中乾隆五十九年總督書麟開

以上無  
爲州

按府志載無爲州圩一百一十有四塘陂三壩十有八

巢縣官圩三勝圩張仙圩魏京圩土橋圩東百勝圩在東鄉

沈家圩蔡家圩郭家圩亞父圩在東北鄉

劉周圩朱家圩永新圩在南鄉

賈塘圩武家圩曹成圩三鄉圩王樸圩太平圩許家圩李家圩  
孫家圩楊家圩柳莊圩甯家圩盤家圩百勝圩在西鄉

河西圩城子圩小官圩蔣家圩解家圩在西北鄉

周家圩厚家圩在北鄉

以上  
巢縣

按府志載巢縣圩共八十有五塘十有九堰五壩六

又按廬屬惟合肥地高憂旱不憂澇他邑小澇則合肥大熟  
四境西北高憂旱爲甚陂塘築濬其可忽諸廬江雖有山東  
濱湖而地平夷田居七八舒城西南多山尤多美田山泉之  
利號稱膏腴無爲瀕江土地平曠與江水相低昂又爲巢湖  
之所出故多圩田爲利萬頃而江流迅漲亦蹈其害顏公諸  
壩爲保障巢邑西濱湖東通大江亦多圩田其南多山有堰  
有壩然當隴阪之間時有旱憂田視諸邑爲瘠宜以陂塘爲

急務焉

鳳陽府

鳳陽縣林家壩在曹山西龍子河水所經

西泉出西泉山北平地泉出北流居民引以灌田

花園湖在廢臨淮城東北周迴百餘里四面港汊甚多饒魚鰕  
之利

蘆塘在黃泥山東埭長三百六十餘丈溉田三千餘畝

抱山塘在白石山其埭如半月向南故名溉田三百五十餘畝

官塘在白石山西溉田五百餘畝

黃水塘在徐家橋西南埭長五里灌田千餘畝

曹家壩在何塘西北溉田二百餘畝

九里塘在黃水塘東北埭長三里溉田千餘畝

灣塘在明廢陵東南溉田二千畝

楊村塘卽榆塘在大通橋周圍六里溉田三百餘畝

鹿塘在總鋪山西埠長十餘里水小從東北二涵洞宣洩大則從東南大石橋門漫溢而下溉田萬餘畝順治六年塘壞乾隆四年請帑修築

按鳳陽諸塘雨集易盈旱則易涸惟此塘周圍三十餘里深一二丈風日晴和波紋如縠輕鷗出沒漁艇縱橫夕陽遠山極目無際

蓮花塘在鄉村周迴六里溉田三百餘畝

九畝塘在十字路南周迴十二里溉田五百餘畝

劉佛塘在黃泥鋪西周迴六里溉田六百餘畝

東黃泥塘西黃泥塘在黃泥鋪溉田八百餘畝

盤龍壩在東鄉城西保溉田八百餘畝

荆條壩在燃燈寺東北溉田四百餘畝

石門塘在俞家鎮溉田四百餘畝

蒲坊在東秦村周迴三里受蒼柏頂糝家沖兩水溉田二百餘畝

官塘在東秦村溉田七百餘畝

秦塘在東秦村溉田五百餘畝

石山塘在東秦村周迴五里灌田四百餘畝

成功塘在閩賢鋪溉田五百餘畝

汗塘在閩賢鋪溉田四百餘畝

歲豐塘在閩賢鋪溉田千餘畝

曹塘一名草塘在衡團寺雪臺山西北溉田二千餘畝

長安塘在衡園寺雪臺山北溉田二千餘畝

牛角塘在長安塘東北溉田一千五百餘畝

柘塘在周梁橋周迴五里溉田五百餘畝

下張塘在上張塘下溉田八百餘畝

以上屬陽縣

懷遠縣木欒泉在縣南自洛河山北麓流入灌浸塘分注郭陂塘民獲灌溉之利

郭陂塘在縣南二十里卽晉時鎮城舊址改爲塘周四十里受南山天池珍珠泉果老泉莞泉上下兩盤塘諸水舊設斗門十二以備蓄洩有塘總塘長司其啟閉道光五年知縣周天爵倡修七年工竣附近荒田四千餘頃悉成腴壤

龍王壩在兩盤塘之間壩南有牘溝水盛則啟以洩盤塘之水歸濠小則閉之使歸郭陂道光五年知縣周天爵倡修

泉源塘在考城南馬山下明末豪家據之知縣高達勒石塘上水利遂均

四顧潭在上窰山中有石門瀑布有峭壁自潭心出高丈餘東蕭家湖西蕭家湖洪塘石塘灌浸塘在郭陂南皆分受諸山之水以入郭陂

孔冊湖在縣南二十五里郭陂西湖水入淮內有地數百頃先年多被淮水灌溢康熙五十六年知縣劉鑑督民築隄建斗門遂成沃壤今斗門傾廢漫水如故

龍頭壩在縣南七十里大橫山之陽洛水之東以障鳳定山水之歸洛者

柳陂塘在龍頭壩北

女環塘在蔡城塘北

按女環塘舊有斗門五座久廢惟王家樓五百餘戶近蔡城塘北斗門得其水利蔡城塘爲洛西瀦水之大者屬壽州者十之九屬懷遠者十之一故歸壽州

倪家湖馬廠湖方家湖皆匯龍王溝檉澗柴澗之水

湄湖俗名湯魚湖洹黑二河匯爲大澤以入淮周三十餘里

按水經注淮水左池爲湄湖洹黑二河盈涸與淮互爲吞吐故云池爲湄湖

邵家大湖在縣西九十里懷遠諸湖惟此最下宜稻

石羊壩在荆山西南麓當大澗之上源以障淮水今廢

清溝源出宿州龍山湖北匯十湖之水肥北諸溝此爲大十湖今漸淤其最下者宜稻

以上懷遠

定遠縣漢泉在縣西五十里又有楚泉合流入洛達於淮



楊亭湖在縣西九十里

大橋湖在縣東南三十里

石塘湖在縣西北五里

桑家湖在縣東三十里

苦竹湖在縣東八十里

馬長湖在縣西二十五里

白湖在縣西三十五里

烏沙湖在縣西七十里

沙湖在縣北三十里

銅城湖查塘湖俱在縣西八十里

漢泉堰儲漢泉水在縣西五十里

楚泉堰儲楚泉水在縣西六十里

白塘新塘在縣東四十里

官塘在縣南二十里

赤塘在縣南四十里

劉塘在縣西七里

長鳳塘在縣西六十里

西陳塘北陳塘陳子塘大方塘在縣西七十里

白塔塘在縣西九十里

以上定遠

壽州芍陂在安豐城一曰安豐塘以水逕芍亭積而爲湖故謂之芍陂又謂之期思陂與楊泉陂大萊陂並楚相孫叔敖所作其水西自六安龍穴山東自濠州橫石東南自龍池山胥注於陂原設五門後更開三十六門後又作減水牐四座水漲則開門以疏之水消則閉門以蓄之三百餘里支流分注灌田萬餘

頃

大滌陂在下蔡城西北百二十里

舊永樂渠在安豐縣東北十里唐廣德三年宰相元載置大厯十三年廢

黃陂在下蔡西北六十里

雞陂在下蔡西北八十里

渭陂在下蔡東北八十里皆隋末廢唐復置溉田數百頃

蔡城塘在蔡城鄉去州八十里溉田二百餘頃亦壽州水利之大者

按是塘爲懷壽連界處懷遠縣志云斗門十二壽州志云斗

門十三

逃夫陂在城東三十里設水門二座

面羅陂在東鄉去城六十里長五百四十丈闊百九十丈水門

二

閻陽陂塘在東鄉去城六十里長五百四十丈闊百九十丈水

門一

船陂塘在東鄉去城七十里長五百四十丈闊九十丈水門二

三觀陂塘在東鄉去州八十里長三百六十丈闊百八十丈水

門二

葛陂塘在東鄉去州十五里長三百六十丈闊百八十丈水門

四

城子陂塘在東鄉去州九十里長七百四十丈闊五百九十丈

水門二

紫蛇陂塘在沿河鄉去州七十里長百八十丈闊三百丈水門

二

湛陂塘在沿河鄉去州八十里長二百八十丈闊百四十丈水

門二

阮羅陂塘在沿河鄉去州九十里長五百四十丈闊七百二十

丈水門一

葛塘在沿河鄉去州百里長二百六十丈闊三百六十丈水門

四

黃澣塘在東鄉去州九十里長一千六百二十丈闊五百四十

丈水門四

石欄陂塘在安豐鄉去州七十里長三百六十丈闊如之水門

一

上石塘在安豐鄉去州八十里長五百四十丈闊如之水門二

下石塘在安豐鄉去州九十里長七百二十丈闊如之水門二  
張先陂塘在安豐鄉去州九十里長五百四十丈闊如之水門

二

蘆陂塘在安豐鄉去州九十里長三百三十丈闊五百十丈水  
門二

朱陂塘在安豐鄉去州百三十里長九百丈闊七百二十丈水  
門三

龍陂塘在安豐鄉去州百五十里長七百二十丈闊五百四十  
丈水門三

上桑陂塘在州西南五十里周圍二十里水門二

下桑陂塘在州西南三十五里塘制甚大水門八

以上壽州

按壽州志載塘四十餘處此特舉其大者諸塘大抵起於唐

以前近亦漸湮雖奉例興修止及安豐蔡城二塘其餘不在估修之例是在有志興復者

鳳臺縣魯村灣插地在縣東北三十里西南負山東北濱淮爲地三百餘頃內有三湖西徐家湖中孔家湖東馬家湖受南山之水地勢西高東下西湖不可開東注則東湖瀾漫北灘亦高淮水盛漲由東灌入舊有土埧障水尋廢乾隆十七年知縣朱辰詳請築壩未果二十四年知縣鄭基續成之建石插以司洩閉知縣鍾旭黃道恩沈丕欽相繼增修嘉慶十二年大水衝廢十四年知縣李兆洛令塘外挑土抱築增石插高三尺餘

大山集壩在縣北二十里卽魯村灣上壩淮漲則溢入爲患知縣朱辰請修鄭基續成之長六百丈高四尺

豐湖插地在縣西三十里舊名小口溝在焦岡湖濱淮一面屢被

淮患嘉慶十四年知縣李兆洛築蕪湖口壩大口溝壩楊家腦壩以防驟漲是冬淮水落因開小口溝以洩湖水建石壩以資宣節又疏催糧溝中心溝以下高阜之水

二里壩壩在縣西二里肥水入城西湖之口舊壩久毀肥河小漲卽淹嘉慶十五年邑人趙長清等重造

王葉家巷東西壩在縣東北三十里石頭埠諸山之水由胭脂溝入淮淮漲倒灌則濱溝之田皆爲巨浸嘉慶十五年士民廖朝紳廖奎祥捐築壩二道西壩長二百餘丈東壩長五百餘丈保護民田六十餘頃

涇泥河黑濠河畚溝皆宣導蒙境及縣西北境高阜之水分注淮肥爲下蔡以北水利要害乾隆二十二年知縣鄭基請帑修濬今河形雖在淤塞過半



界溝在縣西北境與蒙城東南境爲界蒙城地高平原水集輒注縣境舊於分界處掘溝於賈家村平岡分一支東注黑濠入淮一支西注西肥入淮以衛民田數十百頃今歲久漸淤

盤泉出東泉塘山西麓盤石下合山南細泉注澗可灌田百餘頃

元女泉出紫金山西南麓泉極大又附小泉涌溢而下流爲澗澗六府山間終歲不竭南注於肥可灌田百餘頃

聚星泉出鸞尾山北沈村東南石板橋邊泉眾出如聚星終歲不竭北注錢家湖可灌田二頃

抱雪泉出廬題山西北終歲不竭北注瑤澗湖可灌田二頃餘沁月泉出小石嶺口北泉底數百竇上吐爲珠沫大噴不涸溢流東北會大石嶺水入牛氏長溝歲潦山北窪地被浸依山居

民賴此灌山坡稻田可四十頃

以上鳳臺

宿州牌湖隄在符離東北九十里灌田五百餘頃

按是隄唐顯慶中修久廢

睢河隄起毛城鋪入州西北界下抵靈璧縣界嘉慶二十二年署知州劉用錫因彭溝插分洩北股河減黃入睢水勢浩大詳請奏准幫修睢河南堰道光三年知州蘇元璐因歷年蕭縣漫口減黃入睢西堰危險詳請奏准幫修睢河西堰

北股河隄由天然插下夾河兩隄自蕭縣之永垆山至州之艾山東面依山山西岸築隄高廣如汰黃隄至會叟山以東爲縷隄高廣如睢河隄嘉慶二十年署知州劉用錫詳請於河西岸創築新隄東禦黃流二十二年又創築南堰北堰路家堂靈鷲寺下抵靈璧界兩岸無堰每遇減黃漲溢盡成澤國道光五年知

州蘇元璐勸民修築

南股河隄由河南永城縣入州西北界下抵靈璧縣界

北運糧溝插插夫四名知州經管

西流西黃疇彭溝沙溝四插插夫十六名州同經管

桃溝唐溝柏山欄干山四插插夫十六名州判經管

紫蘆湖湖產蘆紫色故名或云卽子路百里負米處名子路湖

車家湖漢丞相田千秋好乘小車武帝呼爲車丞相征和閒封

富民侯食邑於蘄其府遺址猶存因以名湖

蓮花池在州東北八九里池甚廣闊中多芰荷

劉家湖在劉家關西晉劉惔居此故名

傅家湖明潁國公傅友德居於湖南故名

鄭陂漢獻帝時鄭渾爲沛郡太守郡居下溼水潦爲患百姓饑

乏渾於相蕭二縣興陂塢開稻田郡人不以爲便渾曰地洿下宜灌溉終有魚稻經久之利遂躬率百姓興工一冬皆成比年大收租入倍常郡中賴其利刻石頌之號曰鄭陂

土型湖卽古白瀆故道爲鄭陂下流

蔡里湖四山環繞形勢最佳湖中有舊城址  
橫隄湖運斗湖邊家湖白雲湖赤底湖蔡莊湖龍山湖皆在州西南

黃鴨湖馬家湖皆在州南

龍沅潭在騫山五里之左灌田數十頃歲旱禱雨輒應  
固臺泉在固臺寺神座下匯流寺前爲塘灌田園數頃

龍泉在武里龍泉寺側東流名老泉左右有小泉數十行流極盛溉田數十頃

珍珠泉在鎮頭寺院內流出寺前又一泉合流山下灌田數百畝產稻最佳

上元泉在靈源寺前灌田數百畝泉水清甘味如中冷以上諸泉皆在北州

北州

溪溝騎界溝郝家溝香椿溝神路東西兩溝申家溝新挑溝印家溝土山東西二溝舊北股河溝集溝皆在州西北

北通溝石洞溝彭家溝黃家溝清水溝馬莊溝皆在州北

板橋溝大橋溝老山泉溝龍泉寺溝朱家溝大挑溝小挑溝鎮頭寺溝水橋溝玉皇溝瀘溝芙蓉溝看花溝北流溝草溝瀆溝橫溝北界溝七里溝八牯溝鴻心溝黃助溝皆在州西北

小草溝南界溝南臨溝西臨溝東臨溝北橫溝古橫溝軍路溝楊家溝張家溝吳家溝胡家溝界溝八丈溝蘘溝柳溝官溝梁

溝支墮溝頂家溝趙家溝王家溝戴家溝安家溝龍鬚溝廖溝  
湖溝皆在州東南

南運溝嬰溝陳溝東牛溝雙龍溝驢溝許家堰溝太平溝宋家  
溝青龍溝鳳池溝馬家溝黃溝皆在州南

唐溝挑溝關溝傅家溝豬漿溝楊柳溝西牛溝尤家溝白廟溝  
蕭溝雙沃溝長溝毛家溝青化溝姬家溝大柳溝三道溝黑溝  
五渡溝白羊溝雁領溝大里溝西小里溝東小里溝小白羊溝  
小青羊溝韓家溝鳳皇溝緱家溝傅里溝三里溝七里溝岔溝  
任家溝孟溝曹家蓉花溝半截溝蔣溝鳳溝興龍溝一崖溝殷  
家溝雙廟溝鄭溝大麻溝青龍溝紅溝三溝皆在州西南以上宿州  
按宋蔣之奇爲淮東轉運使修水利以食流民俗州諸溝多  
其修濬臨渙橫斜三溝尤其大者

靈璧縣黃泥溝在縣境西北合君寶靈覺諸山之水至李家窪其流始大往時黃水南來沙鎮溝塞乾隆十九年知縣賈震請帑開濬

魁山支河由宿州柏山頭至靈璧三村口入睢河明萬曆間潘印川濬以消徐城積水爲兩隄以束水後爲黃水淤墊西水壅滯病境先被其害而靈邑固賢三村一帶亦爲巨浸

運料河在謝家樓康熙中淮徐道潘尙智開乾隆十八年黃水淤爲平陸

房村泃洞引河康熙五十年河臣奏改挑由焦官營至靈境單家橋以南因其開通峯山插故名河成之明年黃水潰隄睢境全河盡淤靈境猶存河形兩岸淤高內水不出連年被浸居民苦之

京渠在九頂山西北西繞丁公山而南約五里爲章渠又南三里爲杜渠人謂之三渠

磬山溝自釣魚臺起至擡網口入孟山湖洩魚溝以東岡原之水年久淤塞

漁溝在縣北七十里洩沫溝湖水南入睢河溝形淺窄乾隆四年河員濬之以接峯山插引河遂成巨川嗣後屢塞屢濬

輝山溝在白馬山前東西十五六里南北四五里舊有溝在湖窪中乾隆八年邑人因前歲峯山插啟黃水爲災請開舊溝以減水患

潼河在潼山之麓北接三汭河分洩北來之水較爲直捷

青龍溝南通潼河與華家溝相對

拖尾河在縣境西北洩青冢湖之水入睢以湖爲首則河爲之



尾故名河所經北鄉極窪之地淤塞已久乾隆十九年知縣貢  
震請帑開濬

五丈溝自宿州余家窪東至靈境三村寺後至王家井入拖尾  
河墮湖陵子湖土山湖孟山湖崔家湖俗謂之五湖

李宿家溝初從霸王城西宿境睢河南出故其地名三汊河至  
李家莊入靈境會斗溝長三千五百餘丈後宿州開清水河築  
子堰三汊河遂塞乾隆十三年監生趙長治開濬此溝卽接清  
水河東至韋墮入睢不由故道

斗溝發源宿州楊家湖至梁家莊入靈境會楊墮溝北入睢河  
塘溝原從宿境燕子口分睢河之水至王家莊入靈境會斗溝  
自燕子口塞受宿境磨臍溝之水亦爲黃水淤塞

長直溝自縣東北潼郡集起南至板橋又南至魏橋又南至苟

家鋪又南至長直溝集北止長六十餘里

石湖四溝三注山下湖名甚多大者石湖爲最四面各有溝爲  
縣東水道一大關鍵

斜溝在石湖北起自孟山湖至石湖長五千二百餘丈洩西北  
諸湖之水久淤

楊家窪溝在石湖西由潘家集至新河東口入石湖長二千二  
百餘丈久淤

老鶴脖湖在石湖東洩石湖之水橫截長直溝東入虹境荀家  
溝長九百餘丈久淤乾隆十九年里民開通石湖之水東出甚  
暢

范家溝在石湖南洩石湖之水南過吳公橋入岳家河以通虹  
境草溝初吳公橋金門甚窄直洩不暢泮隄以北田廬被浸乾

隆十九年知縣貢震令民於江家窪接挑一溝明年改建吳公橋加修高闊於是湖水南注直捷通暢

土山溝在縣北三十里源出注湖北流入小河過土山湖以入睢河陳家廟以南向無溝形康熙中商人捐開小溝南通十里店後漸淤塞乾隆十九年開挑鳳河及范家溝由是土山溝向爲北流者轉而南流

鳳河乾隆十九年開濬長六千餘丈

陸家溝發源宿州麻湖東至靈境傅家橋至疇集北入楊疇溝長四千三百餘丈年久淤塞乾隆九年里民呈請疏濬十九年工成

楊疇溝起自穆家湖北涯之冉家橋至胡家宅入睢河長三十餘里宣洩楊疇四面數十里溝窪近年各溝淤淺

羅家溝洩城南窪地之水久淤乾隆八年開濬長五千餘丈十數年復塞知縣貢震重修寬深如舊惟戴家屋後溝形兜灣改爲直截

七里溝起自縣南梁家廟之西至西家場長一千五百餘丈城西王家湖城南杜家沖之水由此溝宣洩年久淤平

岳家河起自縣東吳公橋以洩隄北石湖之水至岳家莊後會羅家溝

大路溝在城南至固鎮昔年半爲湖路夏秋雨集田畝被浸行人病之乾隆七年巡撫陳大受等會題請修治大路路旁開深溝以洩平地之水

葛家溝起自柯家湖至黃家莊入沱河長三千餘丈

姚家溝在葛家溝西起自柯家湖過陳家橋入沱河其長與葛

家溝相等歲久不修乾隆十八年以諸生劉長祚等請濬之

李家溝在姚家溝西起自楊家集至劉家橋南入沱河約長十五六里乾隆十九年濬

小龍溝在李家溝西起自齊眉山西北之葉家湖至交龍谷堆南入沱河溝形屈曲約長二十四五里

洪溝在司家坊之西與宿州接壤率多湖窪溝從高家湖過錢家莊入沱河約長十五六里徐元集以南平地之水皆由此宣洩

溧澗源出沱河北起觀音閣東之三空橋南至滄河宿靈以此分界故亦名界溝

馬路溝自宿州來入靈璧境至五河縣甄家集南入滄河東西橫貫洩水最爲順直

蘇陳溝在固鎮東起大路七里橋至徐家小樓東入滄河約長十五六里

陡溝在蘇陳溝東入滄河長二十五六里朱家康家時家諸河之水由此南洩宋李顯忠復陡溝克靈璧卽此地

貝溝在陡溝之東入滄河長二十五里

北直溝在貝溝之東入會通溝長十餘里前馬路水盛故多分洩之溝今淤

珍珠會通二溝起自羅家橋東南至倪家橋分四支一支南流合北直溝水以達滄河長三十餘里爲會通溝久淤

蔡家湖溝在濠城南歸滄河約二十餘里新馬里東之水藉此宣洩久淤

蘆溝在濉河之南跨鳳陽靈璧兩縣入河溝北諸湖之水俱藉

宣洩久淤

格子溝鳳陽靈璧之界溝也溝東屬鳳溝西屬靈

觀音溝由鳳陽縣境釣魚臺西來至遲家莊南入靈璧境受格子溝水入肥河

運糧溝一名大溝在格子溝西衝地李家湖及縣境平地之水俱資宣洩

清河溝在八塔集北之清河里入洪溝約長五里許溝形已失方家溝在蚌步集東淮河之濱淮水衝刷成溝淮漲卽從溝口灌內地濱淮二三十里俱爲巨浸居民每於溝口築隄堵禦上

靈璧

舊按孫叔敖作芍陂安徽水利此爲最古外如蔡城塘郭陂塘花園湖皆水利之大者修而治之上腴之地也顧黃河南

徙奪泗入淮而渦睢沱滄諸水亦時助其虐往往爲一郡害  
靈璧境內黃河僅二十二里而張家瓦房通河稱極險焉治  
水者縱不能使水之不溢亦當求水之易消誠使多濬溝渠  
以容以洩冬春閒地無積潦二麥得以播穫民病庶有瘳乎



重修安徽通志卷六十七

河渠志

水利三

潁州府

阜陽縣陶中湖在縣西一百十五里潤漑田畝居民咸賴  
界溝小河在縣西北界溝之南明成化中同知劉節開渠引水  
以灌田

清陂塘在縣南百二十里引淮水灌田爲利甚溥

椒陂塘在縣南三十五里唐永徽中刺史柳寶積所開引潤水  
灌田二百餘頃今有椒塘鎮

土陂屯粟林諸水以溉黃花陂西之田

溫家堰土人築以蓄土陂下流之水溉黃村店田

益陂障谷河之水以溉河北田

雙陂障谷河水以溉黃邱村南之田

按潁州府志椒陂塘雙陂今皆廢

西湖在城西五里舊廣二里袤十餘里唐許渾從事於潁有西湖清燕之句宋晏殊歐陽修蘇軾相繼爲守皆燕賞於此與杭之西湖並稱蘇公乞畱黃河夫萬人濬湖並境內溝洫歲久淤淺侵佔明嘉靖乙未兵備道李宗樞委判官呂景蒙勘復湖地十頃有餘

國朝康熙七年知州喻三畏浚湖修牖二十五年知州馬之驛引流植木勘查隱佔尋復廢雍正十三年知府盧見曾查復湖田一十六頃乾隆十三年知府王斂福增修清理

慧湖在郡城東里許邑人王允開濬

東張家湖在城東三十里潁水北岸方廣六七里相傳卽古寢邱陷爲湖

頁莊湖在城東北三十五里互三十里橫十里

姑嫂湖在城南八十里崇灣中

鏡湖在城南九十里谷河之南

六百丈湖在城南百里淮河北

南張家湖在城西南一百七十里龍項灣周圍四里

白楊湖在城西百二十里黃河水道淤隔成湖潦水至則界溝湖之水會於此

范家湖在城西百二十里今爲沃壤民皆樹藝

鄭家湖在城西百五十里舒陽河之南方廣五里俗傳鄭祥遠據此湖與張龍公戰

七里溝在城東七里

龍封溝在城東三十五里引張家湖水南入潁河

站溝在城東五十五里楊灣村入潁河

海家溝在城南七十里東流爲桃子河

清溝在城南百里爲清陂塘設塘西一溝上通汝河前代置牖汝濱水涸則啟牖取水足則閉之塘東二溝並馳而東六十里至紅林爲民田水利今俱廢

蔡村溝在城西三十里引柳河以南陂水入潁河隔河有寅溝引義塘東南之水亦入潁河

伍名溝在城北三十里以近子胥宅得名相傳伍奢爲太子建相開此以洩潦水今西北猶賴此溝免水患自母豬港南直流七十里至入沙河處地勢益低注下幾數十仞聲如擊鼓又名

響鼓溝

乾溝在城西北四十五里與亳州乾谿接壤

小橋溝在城北九十里北引轍溝之水入澗溝西南卽三汊溝亦通澗

紫壩溝在城北龍德寺南與阜溝通入澗

金溝在城北百二十里岳廂之西畝澮積水流入茨河

雙溝在城西小汝河北自沈邱八里灣而東雙溝並馳一百餘里尾達柳河中間過小汝河黃溝基字溝溝南有陳家溝狼溝

大蟲溝阜溝諸水俱入澗

卞家溝在沈邱小汝河南積流至樂莊陂北匯破邱之水入澗九里溝在沈邱之東水自范家湖過定鄉經董家店繞徐家莊

入澗

版腸溝在城西南百四十里積清陂塘北之水通谷河

五汊溝在城西南百六十里艾亭北有泉流入老堰溝會汝河  
兩岸灌田二十餘頃

安舟塘在城南百里環安舟岡七里成化中廢同知劉節修復  
三障陂在城西百八十里

鍾家堰在城南八十里乾隆十五年知縣王鑽修築

三插在大潤河小潤河白龍橋三處置插以時蓄洩蘇軾有千  
夫餘力起三插焦陂下與長淮通之句今廢以上

穎上縣江家湖在縣西北二十里水通黃溝東入沙河

丁家湖在縣東二十五里水出沙河今涇

斑村湖在縣西北三十里水注黃溝東流入沙河

白馬湖在縣東四十里水中有洲上建白馬寺

第三湖在縣西南四十里

團湖在縣南五十里

鹽站湖在縣南十里

長林湖在縣東北十里上通茅城溝下接王愛溝入沙河

陽臺東湖西湖在縣北十五里二水合流經陽臺南馳至一汊

溝達王愛溝入沙河

十字溝黃溝支流通柳溝

灰溝在縣東十里

涿溝在縣東南六十里上接灰溝下達沙河

秋家溝在縣東南七十里

蔡家溝蔣家溝曹家溝廣連溝劉家溝俱入沙河知縣薛宗琳

捐濬

周家塘在縣西北十二里元周總管家於此故名

王愛溝在縣北十里陽臺長林湖水皆注此溝西入沙河邑人王愛居溝側故名

茅城溝在縣東北二十里東流復折而南入長林湖

西柳溝東柳溝自阜陽縣南東流入縣經柳河村柳谷溪

黃溝自阜陽縣入境西北流三十里折而東入沙河以上

霍邱縣淮隄西自北河口東至任家溝口止乾隆二十二年知縣劉吉請帑濬築

水門塘在縣東北十里周圍二十里卽春秋時楚令尹孫叔敖所作大業陂年久日淤豪強侵佔乾隆十八年知縣張海勘定塘身絲互一十九里八分劃界勒石立案

按江南通志敘水利治績亦云大業陂孫叔敖所作而敘鳳



陽水利則云大業陂隋大業中修以灌田殊相矛盾

天淨湖在縣西三十里四時不涸

胡陂塘卽無溪塘

棗林塘卽大官塘

板門連二塘周圍十里

大陂塘卽劉家大塘

干功塘卽沙河

以上霍邱

按霍邱縣志載塘堰湖澗四十四處

亳州乾谿楚王起章華之臺爲乾谿之役卽此地

按寰宇記城父縣乾溪在縣南五里今稱乾谿溝在亳城東

七十里上接清游之水下達於澗

高陂在城父南五十六里周同十三里多魚鰕菱芡之利

清游湖在城東南百餘里本七家湖地盛漲則合爲一稍落則分爲二寬四十餘里西接明河油河之水北流爲漳水東爲龍鳳溝校溝入渦南通乾谿入淝東南爲茨河入淮

耿塘湖在城父村東三十餘里

白零湖在城父村東北三十里二湖水俱由龍鳳溝校溝歸渦水落時俱可種藝

駱家湖在城北三十里引田家翟家等溝達於渦

龍潭在渦河西十里

花馬潭在城西北二十里爲苞河匯聚處方廣十頃旁列榆柳中種菱荷

東南鄉之溝凡三十九

西南鄉之溝凡十一

西北鄉之溝凡九

東北鄉之溝凡三十以上亳州

按亳之水患四州東南皆汗下之地雖南有淝北有渦而諸溝淤塞不能貫通每當夏秋淫潦泛溢無歸其尤甚者明河中心溝及油河諸水皆會於三丈口之清游湖又兼受河南鄰郡之水故其勢益浩瀚知州盧見曾擬開梭溝因有砂礮難於疏鑿遂開龍鳳溝故道俾水之阻於砂礮者皆由龍鳳入渦而龍子岡黃家溝之由牛毛河達梭者亦皆由龍鳳以入渦諸水漸次通達惟是亳土墳墟易於壅塞宜隨時疏濬

渦陽縣河南之湖溝四十二河北之湖溝三十四渦陽縣

太和縣五道溝在縣西南十里明知縣劉玠疏沙河支流以灌民田

周家窪湖在縣北二里由七里澗入茨河

東西白洋湖在縣西十五里西通柳河

上中下聶家湖上湖去縣西北四十五里由流雁溝北洩八丈  
河中湖去縣西北四十里亦由流雁溝南洩沙河卽今蔡家廟  
湖下湖去縣西北二十里由稅子鋪口洩沙河卽今柳林湖  
鴨兒湖在縣西二十里

陶種湖在縣西四十里東洩柳河

明水湖在縣東南四里南通五道溝洩茨河

寶仲湖在縣南三里洩茨河

七里澗湖在縣東八里東洩茨河

竹園湖在縣東五十里南洩茨河

茅岡湖在縣北十里南通周家窪北通雙泉寺洩茨河

魚營湖在縣西南二十里南通柳河

臥龍湖在縣北八十里北通泚河

郭城陂在縣東十里東通谷河

母豬溝在縣東三十五里自堃林溝西洩茨河

時家湖在縣西八里西通沙河

史家湖在縣東北四里通谷河

板橋陂在縣東北八十里南洩肥河

斤溝在縣北六十里形如斤故名通茨河

吳漕溝在縣東北八十里北通明水轉入泚河南通宋塘河

大澗溝在縣東北五十里通泚河

流雁溝在縣西北二十里北通八丈南通坯灘入沙河

十里溝在縣西北二十里南通沙河

界溝在縣西北六十里通沙河

雙泉溝在縣北三十里通谷河

楚林溝在縣東二十里通茨河

蒲溝在縣北八十里通茨河

貊家溝在縣西二里通沙河

獨龍溝在縣西北二十里通沙河

港溝在縣北四十里通谷河

長世溝在縣西北三十里東通茨河

阜溝在縣北八十里通茨河

稅子鋪口牖

朱家口牖

白洋湖口牖

坯灘溜口牖

猶家口牖

洪思灌長二十里洩潁陽水入谷河

古蓮花溝長二十里東南入茨河

古張祥溝長六里洩蜘蛛湖水東入茨河

古琉璃溝長四里洩蜘蛛湖等水東北入茨河

古張七溝長七里洩牛家陂水西南入茨河

古大青溝長八里洩竹園等水西入茨河

古時家溝長八里洩濫柴等水正西入茨河

李明溝長六里洩蜘蛛湖等水正西流入茨河

古大通溝長七里洩周家窪等水東南入茨河

古箭溝長五里洩魚鱗河等水東流入茨河

古白洋溝長七里洩牛家陂等水東南入茨河

古小青溝長七里同張七溝洩入茨河

古紅溝長三里洩良善陂等水西南入茨河

古魚鱗溝長五里洩濫柴等水西入茨河

古柳溝長二十里洩柳湖南奇遇橋水入黃河

古戚家溝長十里洩三白洋湖水東流入黃河

萬福溝長十里洩三聶家湖等水正南入黃河

永濟溝長八里洩劉家陂等水北入黃河

古吳家溝長十里洩三聶家湖等水西南流坯灘漚口入黃河

古斜溝長七里洩下聶家湖等水西南入黃河

古蒼溝長八里洩蔡家廟等水西南流坯灘入黃河

古南北獨龍溝南長二十里洩中聶家湖等水北長十五里洩



上聶家湖等水西南流萬福溝俱入黃河

古百尺溝長二十里洩聶家湖等水北入宋塘河

古南八丈河長二十里洩張桂橋等水東入谷河

古南港溝長三十里洩黑虎廟等水東入谷河

古北港溝長四十里洩胡家集等水東南入谷河

古北柳溝長七里洩東港等水東入谷河

古文昌溝長十里洩龍泉等水入八丈河

古後溝長二十里同前溝入茨河

古舊溝長二十里洩洪水諸水西南入茨河

古南北蘆草溝南長八里洩安豐等水西南入宋塘河北長五

里洩蘆草等水西南入茨河

古箭溝長六里洩西港等水東流向北港入谷河

古前溝長十六里洩魚鱗溝等水東南入茨河

古西魚鱗溝長十五里同前後溝入茨河

古穆家溝長十里洩臥龍崗等水西南入茨河

古南北阜溝南十里洩臥龍等水東南入宋塘河北長七里洩張窪等水東南入茨河

古脂溝長十七里洩張家窪等水入宋塘河

古宋溝長四里洩楊家窪等水東南入泚河

古肥水溝長六里洩泚水正東入泚河

古齊王溝長三里洩北原馬場等水東南入茨河

古柘溝長八里洩柘樹等水東南入茨河

新開橫溝黃門地方乾隆十六年鄉民公開自范家昇莊路東

起下入馬場溝達茨河

以上太和

蒙城縣洪塘湖在縣南十五里

軒家湖在縣東南二十五里

白家湖在縣西二十里

鯽魚湖在縣西南四十五里

閔子湖在縣西南四十里

大衝湖在縣西五十里

蔡湖在縣西五十里

冷水湖在縣東五里

赤鯉湖在縣北五十里

繖兒湖在縣東半里

三穿湖在縣西十三里

雙澗在縣東南三十里

正化身卷之三十一  
沱澗在縣西四十五里

黃連澗在縣西三十里

廟澗在縣北七十里

小澗在縣西北二十五里

鳳皇溝在縣南門外

馬廠溝在縣東三里

紀家溝在縣東南二十五里

沙溝在縣西十五里

拖鋤溝在縣西二十三里

橫溝在縣西五十里

戚家溝在縣西六十里

雉河溝在縣西九十里

九里溝在縣西北九里

呂家溝在縣西北五十里

許家溝在縣西北七十里

俞家溝在縣東北三里

南界溝在縣南九十里

濁溝在縣西門外

衣溝在縣南五十里

五里溝在縣西北五里

謝家溝在縣西三十里

于家溝在縣西三十里

范家溝在縣西五十里

葛家溝在縣西八十里

七里溝在縣西北七里

蔣溝在縣西北三十里

柳溝在縣西北六十里

五瀆溝在縣西北九十里

湖溝在縣東南七十里

東界溝在縣東六十里

以上  
蒙城

按潁境之水大支有五潁河沙河來自西北汝河淮河流自西南西淝河則直注正北其中大小潁河茨河谷河桃子河清河諸水滌澗旋繞周乎四境然田土皆平原曠野不肯近河必隨地有溝以達於河故魏鄧艾始開河渠唐柳寶積修椒陂塘宋蘇軾治溝洫皆以水利爲重夫自黃河南徙汎溢時虞宋開寶四年潁水漲溢深壞田廬太平興國五年潁水

溢壞隄及民舍此淮水汎濫及潁之害也金之季年河決太  
原水經城北元末河決通許自陳州商水入南頓混潁水而  
東奪流入境明洪武二十四年河決河南由陳州合潁逕太  
和縣奪流入州此黃河衝決及潁之害也我

朝二百年來河流順軌而霖雨驟集時有偏災大抵潁之水患  
有二其大者在淮河之不能容其小者在溝洫之不能洩溝  
洫之患較淮河尤切淮河患在初長不能禁之不來爲時甚  
暫溝洫患在旣退不能決之使去爲時甚久也今溝洫之水  
不能達河而但曰河水爲患河豈任受哉

### 滁州

菱溪塘在州東七里相近爲官塘各灌田數頃

五湖塘在州東十里相連爲新湖塘各灌田甚廣

秦皇塘在州東二十二里周三里灌田數百頃

平湖堰柳子堰二堰俱在州南各灌田千餘畝

山河發源於鳳陽諸山可以直抵浦口因孟子贊阻塞水由六合轉壺盧套出瓜埠數百里而後入江水口細微疏洩不易淤

浦沿河田畝資其灌溉往時曾題請疏鑿

琅琊溪在琅琊山下唐大曆中李幼卿導

平湖溝在州東十里

新溝在州東五十六里

洪溝在州南龍興寺西

鳳皇溝在州北十三里

龍尾橋水在州東門外

大石塘在州西北



長溝在州北六十里

以州上

全椒縣高塘在縣西三十里溉田甚廣

蔡湖在縣南十五里居民多引流以溉田

鄧湖在縣西北三十里

小湖在縣南十里

叔伯湖在縣西北十里

赤腳湖在縣西北六十里

府城湖在縣西五里府城岡

龍塘湖在縣西二十里

石潭湖在縣西二十五里三岔河

螺蛳湖在縣西北二十里

白楊湖在縣西北一百里

石白澗在縣北二十五里

虎子澗在縣東北三十五里

金家溝在縣東一里

華家潭在縣西三百步

興塘壩高皇壩在縣東

鐵犁壩黃塘壩大壩董壩新興壩郭壩王子壩在縣南

路家壩諸流壩楊家壩青龍壩坡子灣壩白笑壩李家壩蘆子壩二婆灣壩趙梁壩在縣西

白壩千秋壩在縣北

孫胡塘在觀音庵周三百一十丈

白汪塘在縣西周九百一十丈

東白水塘在寶積寺周十里

西白水塘在寶積寺周五百五丈

徐塘在富安巷周一百二十丈

八陂塘在富安巷西北周一里半

邱塘在富安巷周三百一十丈

姑塘在新高樓周一百二十丈

孤塘在獨山下周三里中心一圍廣半畝深二尺許

馬塘在縣西周六十二丈

郭家圩長陵阪圩教場圩塔子圩陳家圩西官圩港西圩萬春

圩王馬圩東官圩散水圩張家圩高家小圩在縣東

小湖圩牛頭圩羅家圩米家圩二圩小圩寶德圩蓮花上下圩

海子上下圩周家渡上下圩顧家圩黃花圩高家圩大都圩赤

石埠圩呂家圩孫慶圩朱泗圩三城圩張巴圩石城圩在縣南

新牆圩大骨墩圩許家圩襄城圩在縣西全概  
來安縣泰山塘在縣東溉田八十餘頃

大石吼塘張勝塘二塘各溉田四十餘頃

王家堰在縣南又有雍塘陳塘月塘露珠塘各灌田數十頃  
龍尾壩卽龍尾橋水周數十丈成化五年知縣趙禮築隄障水  
灌田千畝至今賴之嘉靖四十五年劉正亨修

六戶壩在蘭沛橋下澗水爲天澗水源自龍山明萬厯中六戶  
合築故名

塔兒塘長三百丈灌田十頃二十五畝

戴家塘長二百八十丈灌田一十五頃

楊家塘長二百二十丈灌田十九頃五十五畝

官塘闊六十丈灌田九十八頃

石塘長三百丈灌田二十五頃五十畝

五湖塘長三百丈灌田二十三頃五十畝

戴家湖塘長三百五十五丈灌田一十四頃

大雅圩周二千七百丈田九頃八十畝

董清圩周三千六百丈田二十六頃

姜清圩周七百五十丈田十頃二十畝

鄭和圩周四千五百丈田一百一頃四十四畝

廣大圩舊廢後縣民王來告修

雍家圩周七百丈田八頃三十五畝

范家圩卽宋樊家圩周一千一百一十二丈田二十七頃二十

七畝

三教圩周二千三百丈田九頃五十三畝

玉清圩周三百丈田八頃十四畝

顧勝圩周二千七百丈田八十一頃五十一畝

塘南圩周一千八百丈田二十八頃

扁圩周一千六百丈田三十六頃

黃壩圩周三百七十丈田四頃十畝

三城圩衛種三十一石一斗民田二千二百六十四畝九分六

釐六毫五絲

固鎮圩卽顧勝圩民田九百七十畝五分七釐

胡母圩衛田四百六十八畝一分三釐民田二百八十六畝三

分以上  
來安

按來安縣志載宋元祐七年知縣沈希顏置陂五十八所溉

田二百二十餘頃其後元符圖經載通邑塘沛一百九十五

所今多湮廢其可考者宋塘七十一所宋沛二十八所

又按滁州枕山帶川合州之水二十有四皆匯滁河浸灌稻田潤及百里全椒來安尤多圩田稱沃野然而山水暴發沿河田畝一望汪洋諸圩潰決屢告蓋以此河去路必從張家堡趨六合至瓜埠口始能出江陸路不及百里而水道百八十餘里其閒曲折迂迴不能直瀉兼之水口微細有江潮倒灌之阻無怪乎水之易漲而難消也議者謂自張家堡開河由塔營朱家背達浦口以出江則路近而河直宜洩較易庶有豸乎

和州

韋游溝在州東北唐開元中縣丞韋尹引江水十五里溉田五百頃貞元中游重彥復治之民享其利故以二姓名其溝

千秋湖在州西北宋濬熙中州守置斗門以防麻湖澧湖之水洩入大江歲旱藉以灌溉

馬堰塘周四里灌田八頃

牛塘周三里灌田五頃

大烏塘在州北十里周五里灌田二十頃又小烏塘周五里灌田十頃

彪塘周三里灌田十頃

章莊塘周三里灌田二十頃

飯箕塘在州東南三十餘里周三里灌田十頃相近有石莊塘周四里灌田二十頃雙山塘周三里灌田十頃

廣洋塘在州西四十里周五里灌田二十頃

南新塘在州西北五十里周四里灌田二十頃



銅城堰在州南六十里吳赤烏中於銅城築堰以捍水患代有  
修築田盡膏腴其水可溉田三千頃

石溪塘周一里溉田九頃

歷陽鄉塘七圩二

政理鄉塘五圩十七

長壽鄉圩十五

順天鄉塘三圩十九

雞籠鄉圩十一

翔鸞鄉圩二十五

東梁鄉圩二十六

遵教鄉圩二十

懷德鄉圩十

以上和州

含山縣瓊峯塘在縣東周十里溉田一百頃相近有新興塘周  
二里灌田四十頃

崇義塘在縣東南周一里灌田五頃相近有太湖塘周三里灌  
田八頃溪陽塘周二里灌田八頃

一都塘三圩五

北二都塘三圩八

南二都塘三圩四

三都圩十四

四都圩十六

五都塘一圩八

六都圩九

東七都圩十

西七都圩十二

東九都圩十

西九都圩六

十一都圩十四

十二都塘二圩十二

南十三都塘四

北十三都塘二

十四都塘三圩二

十五都塘三廂一壩二以上  
舍山

按和州瀕江水鄉宜稻青疇繡錯紫陌星羅人力不勞而收  
浸灌之功兼有魚鰕蜃蛤之富然地形卑下江波泛溢受害  
亦深道在謹其隄防治薄增卑歲修毋懈舍據和之上游三

面枕山一面臨湖形勢特高於和願每值霖潦江湖外匯溪漲內溢田畝廬舍胥付波臣則以麻漚二湖之廢致水無所容納亦太陽姥下諸河未疏無以爲洩水之尾閘耳議者欲鑿橫路鋪山岡通清溪河於巢湖以爲灌農田通商賈培風水得三利焉然恐陽侯肆虐江湖交漲舍不能支且鑿山伐石工費浩繁設無成功上虧國課下病民生又誰職其咎耶尚其慎而後動焉

廣德州

鯉洪溪在州東十里灌田二萬餘頃

陳河陂在州北三十里灌田五百畝

釋山陂灌田五百餘畝

白馬塘在州北三十里廣九里溉田二千餘畝

管塘在州北三里許廣七里溉田二千餘畝

夏家塘在州東十里廣十里溉田千餘畝

馬家塘廣八里溉田千五百畝

狐狸塘在州東三十里廣三里灌田七百餘畝

鴉鵲塘廣十里灌田千餘畝

胖竹塘廣九里灌田千餘畝

古塘在州西二十里廣二里灌田千二百餘畝

許家塘在五十三都廣一里灌田四百餘畝

壁了塘在水西都廣二里灌田五百餘畝

馬理塘在章墓九都廣五里灌田六百餘畝

下冲塘在月塘都廣二里灌田四百餘畝

百丈塘在湖南四都廣三里灌田四百餘畝

蘭冲塘在西孝都廣四里灌田五百餘畝

張家塘在東孝都廣二里灌田五百餘畝

胡家塘在三十一都廣三里灌田六百餘畝

汪塘在十一都廣三里灌田四百餘畝

葛蒲塘在湖南四都廣三里灌田四百餘畝

人口塘在南泉十都廣八里灌田七百餘畝

油榨塘在東孝都廣三里灌田四百餘畝

焦子塘在湖中都長五里許灌漑甚多南畿志作周二里

漠洋天溪堰在旌節都約百餘丈灌田千餘畝直抵西濯纓溪

橋

中堂陂在三十七都廣百五畝

葛村天溪老壩在州東葛村堡水源有二一自千古山諸溪澗

匯於天溪一自石鼓山諸溪澗水匯於清溪並流入秀水溝  
落馬壩在合村堡卽葛村堡石築

道士壩在花園堡石築

周藤壩在東橋堡舊作周回亦作周藤明隆慶間知州鍾振發  
石築滾水壩

國朝乾隆十五年圮暫築土壩

斗米壩在大路堡土築

鯉魚壩在大路堡土築

東城河壩在大路堡石築以溉河田後圮乾隆十五年暫改土  
築青雲樓道士李宗復葺以石

南城河壩在馮下堡石築

黃泥壩在戈村

牧洋壩在殷村堡土築

石滑壩在錢村堡石築

橫頭壩在田家堡石築

西城河壩在馮下堡土築

按諸壩自發源至北流各十五里計灌田三萬一千七百畝  
有奇此州中水利之最要者

烏泥壩金剛壩螞蝗壩葛家壩柿樹壩苗家壩郎家壩成功壩  
黃泥壩俱在小東鄉湯家壩夏家壩觀音壩駱家壩俱在大東

鄉以上廣  
德州

建平縣蘇大溪在縣西南二十五里溉田數百頃

桐汭鄉塘共一百六十一灌田七萬一千一百七十七畝

昭德鄉塘共六百五十二灌田五萬八千九百九十七畝



臨湖鄉塘共四百三十九灌田七萬五千六百七十六畝

妙泉鄉塘共二百五十八灌田五萬六千八百七十五畝

原通鄉塘共五百九十灌田七萬四千二百六十八畝一分

浮湖塘在縣東五里灌田一萬二千四百一十五畝

五丈塘在縣東廣十五里灌田一千五百畝

青陂塘在縣東廣三十里灌田三千六百五十畝

周公塘長二十里闊八丈溉田四千二百畝

烏沙塘五百三十七畝灌田一千一百三十七畝

信武塘在縣北十里袤十五里灌田三千四百五十一畝

廣德州志

作溉田一百五十畝誤

上宋塘在縣東北十里

下宋塘與上宋塘連溉田一千三百二十五畝

柘林塘在縣東北十里灌田四千七百五十七畝

東門隄西門隄二隄各長五里許宋慶元間漕司給錢修築自

元至明興廢不常

國朝康熙十一年知縣高自遠修築

山陽圩潘城圩楊學圩三圩為田幾五千畝趙佑卿修築以上建平

按廣德地居上流眾山之水可名者四十八溪其間分合鉅

細不一多歸建平以入南碣湖絕少停蓄北鄉尤甚昔賢興

陂塘以為旱備計至遠也今塘迹雖存淺淤居半諸溪故多

沙礫兼近日邱陵墾闢山農蒔種麻龍仁草之屬利雖較優

而沙土鋤鬆水發沙走春漲秋霖洪波奔瀉而建平為壑矣

或雨澤愆期枯涸亦易膏腴悉為草宅道在隨時疏濬堅築

塘壩使水長可緩奔騰之勢水落可收停蓄之利建平地勢

東南高而西北下東南山阜聯延廣德甯國而西南碣湖則眾流所歸溪澗數十大抵原於廣德入於南湖北有北河長數十里其自東南而西北經流九十餘里襟帶縣境者莫大於郎溪而關通邑利害者爲浮塘湖浮塘湖之東爲丁公池池東北四五里外皆高澗水趨赴郎溪溪不能受於是池東廖店鎮之水畢注於池池西之隄不能禦則又自東而西入浮塘湖浮塘湖之南小圩埤破則郎溪之水復自南而北浮塘湖乃泛溢爲患於是審其要害莫若修護龍塘埤以防之台邑圩田少高多下高圩率在溪南縱有淹沒不過數日東門西門諸圩亦然若兜臀楊饗兩圩地形最下一有積水非月餘不退則秋成無望矣是故積決之害下圩爲甚禦災之法上流爲先惟長民者實圖利之

六安州

州南境諸水石塘小官塘南五里塘狗兒塘查陵陂塘青草大塘下官塘上官塘官塘民塘九公塘八字塘金陂塘沙井塘八角塘三角塘官連塘青草陂塘竹絲塘官堰黃家堰天河堰劉城堰下白湖龜頭湖採白湖楊泥港共溉田數百頃

東境諸水張塘尺塘下官塘古塘馬沙塘金盃塘新塘長厚二塘三斗塘潑皮塘陂塘孫成塘千工堰下千工堰蔣家堰朱家湖共溉田數十餘頃

西境諸水楮皮塘黃泥塘蛇皮塘關草湖塘沙塘龍塘大塘長塘石鰲塘白銷塘灌塘新塘雙塔兒塘張公塘銅壺塘平塘堰車家堰新堰涼水堰吳家軍堰青草湖駝湖冷水澗獨龍澗共灌田數百頃

北境諸水塔兒塘德勝塘五里塘十五里塘馬思陂塘熟陂塘  
洪陂塘桑家塘猪灰塘麻漲塘白湖塘草湖塘黃土塘石桶塘  
常家塘竹梢塘旱塘東陂塘猪灰堰官壩堰毛家堰吳家堰石  
家堰干工堰石工堰龍門堰趙家堰清水湖馬家湖柴枝湖其  
溉田千頃

以上六安州

英山縣潤州塘一名安山縣塘

休州陂塘卽沈佺塘在縣北三十里

傅家壩在七引司下

程家堰在同義里

石堰在縣北一里

難作堰在同義里

觀音堰在安仁里陶家坊下

楊家堰在同義里父子嶺下

石鼓堰在西北五十里

閩公堰在縣北六十里

以上英山

霍山縣塘有趙陂塘胡陂塘九曲塘鐵人塘邱陂塘

堰有桂家堰周家堰毛家堰曹家堰郎家堰千工堰石滾堰黃

泥堰天河堰石堰移陽灣堰

以上霍山

按六安之水乘高而下湍急勢悍易盛易竭然瀦之隄之亦可養水性之有餘而補地勢之不足但其土疏弱難堅易毀非勤而修之不爲功英山無平原曠野田多衝壩間有濱河者皆沙坪賴堰灌溉霍亦山陬無大陂塘湖堰而民習於勤頗事疏築故偶遇旱魃其災較他邑恆減云

泗州

蒲陽陂在泗水西北東漢時張禹爲下邳相徐縣北界有陂旁  
良田湮廢莫修禹爲開三門通引灌溉遂成熟田數百頃後歲  
至墾千餘頃民用饒給東觀記陂水廣二十里徑百里在道西  
其東有田可萬頃

安河陡門在种家溝北田家集南爲濰水由泗入湖之咽喉向  
因蘆葦叢生水行濡滯無歲不淤二十餘里入湖之路皆成淺  
阻乾隆二十二年請帑挑浚

謝家溝自濰口分股起石家集訖龍潭二十五里爲匯汴河入  
洪澤湖分洩濰水之要道乾隆二十二年侍郎裘曰修奏請挑  
濬併於溝東西挑引河二道以消積潦

鞏家溝長直溝北潼河荀家溝俱在虹鄉皆濰水分支荀家爲  
大長直次之乾隆二十二年挑濬

古汴隄隋大業三年開汴河於兩岸築隄今遺阻猶存非異漲  
汴水不能出岸爲害起長直溝東逕州城至臨淮百五十餘里  
閒蜿蜒起伏望之若連岡斷嶺近隄村落多植古柳

古堰在小曲堡之西未詳所自始土人以古堰名之北自濰甯  
李家集起入州境劉家集折而東至堯埠院止禦潼水二十餘  
里

苟家溝隄乾隆二十二年大興水利濬苟家溝河以洩濰水由  
老鶴脖東南流至梨溝抵州城西北角長四十里兩岸隄如之  
障狂瀾衛田廬爲利甚溥

長直溝隄在州西三十五里泗靈交界處乾隆二十二年動帑  
濬渭橋南一帶溝河以洩靈邑五湖東下之水所挑淤土築隄  
岸上時虹未併於泗知縣李允升督民興修於是虹東岸有隄



其河上承睢水下通古汴其隄起涓橋訖長直溝集南北縣互四十餘里先是睢水泛溢老鵝巷戚家莊諸堡歲被湮浸自築東隄始成沃壤

西謝家溝在戚家莊東起洋城湖東北至鄧家橋歸荀溝河長八里

武家溝在戚家莊東起洋城湖會苗家溝歸荀溝河長十二里流衝溝在吳家集西起萬家莊由徐李各莊歸荀溝河長十二里

婁橋溝今名新河在新河集北西南由枯河頭歸汴東北與黑塔湖會長三十里

搜箭溝在蟠龍山東邗家山西爲秦橋堡洩水之要區溝之中隔以沙石故其水南北流北歸睢河南入於汴長三十里

九里溝在古陡村南洩李家河水由談石各莊歸石梁河長八里

龍宿溝在鄧家營距州二十里因明太祖駐蹕得名自黃家湖起南至劉家莊歸石梁河長十八里

柳家溝在東九南自官莊西起洩柳家湖水由塔墟歸南沱河長十五里

李家溝在東九北自曹家莊起洩傅李諸湖之水由胡家集歸南沱河長十八里

同家溝在東九北自湯家湖起由鄧家莊同家廟歸南沱河長七里

料溝在草溝集東北起李家湖由韓家莊歸北沱河長十三里  
陳家溝在官橋東起王家湖由胡家橋歸岳河長十五里

清水溝在廟臺北起梁家湖由江家莊歸南沱河長十八里以上  
十三溝皆在虹鄉乾隆二十二年督民開掘以洩田間積水

青陽鎮園一在青陽西堡姚七溝之東長闊五里餘一在青陽南堡七里溝之東長闊三里餘

城兒頭園二大園在蘆溝東三里餘小園在蘆溝西一里餘

按泗州高田本無水患有塘壩蓄洩不必築圍極窪之田河湖  
水泛非圍可禦惟地處不高不窪圍或有功今此四圍已廢  
土人云豎土不能蓄水上游山水有大溝洩之雖廢無害

虹鄉園二俱在劉家集東園南北三里東西五里西園南北五  
里東西七里

以上泗州

按虹鄉二園障三面河水與泗圍異

盱眙縣洪澤浦在縣北三十里舊名破金塘鄧艾立泉蕩與破

釜相連開水門入以灌田其後煬帝幸江都道經此久旱遇雨  
因改名洪澤浦

陸塘在靈蹟鄉灌田二頃四十五畝

新塘在靈蹟鄉灌田二頃一十畝

巖塘在靈蹟鄉灌田三頃五十畝

趙塘在彭城鄉灌田二頃二十五畝

七里塘在舊縣西七里灌田二頃五十畝

李塘在彭城鄉灌田二頃五十畝

赤塘在唐興鄉灌田七頃八十畝

城塘在唐興鄉灌田八頃三十二畝

蘆塘在淮陵鄉灌田二頃二十五畝

柳塘在都梁鄉灌田三頃一十畝

以上  
并始

按盱眙水利可興處尙多縣志所載三墩小河順水河枳頭橋河許家河津里河清水壩河磨刀澗河澗溪河等處若相地築壩開溝可灌田千餘頃又澗二十八所泉六所大小舊溝八所塘九千五百七十六所舊壩六所舊牖一所舊埠二所若圖興復灌溉無窮

天長縣萬安塘在縣東南二十五里邑中有十二塘皆明初所開以灌民田

天長縣

五河縣雲頭壩在縣治南門外明嘉靖間知縣蕭文明築萬曆時知縣方堪重修

蔡家湖隄在縣治西三里南瀕滄北瀕沱明萬曆間知縣方堪築

南湖四壩一南大壩又名蔣家壩在城南五里少南更築月壩

即今黃家溝以障淮水不使由濠河倒灌入湖二陸家壩在城西南六里以杜滄水不使串入南湖三張家溝壩四三衝溝壩皆障淮水不使從上流入南湖以上五河

按乾隆四十三年後黃水屢經四壩全沒淮身日高難以復興惟陸家壩黃家溝兩處尙可施功

又按泗境經水有三曰濉汴淮濼水十有二曰南濇北濇南沱北沱長直溝荀家溝岳家溝鞏家溝謝家溝清安河溧河石梁河其地勢東南窪下西北漸高旱則諸河易竭潦又易盈上游慮黃河之決挾沙橫流下游慮清口之淤扼吭倒漾昔州人常三省謂泗有水患由潘季馴之築高堰投揭上議整鑿可聽然不爭清口而爭高堰殊未審夫大勢後州牧莫之翰亦以高堰爲首詳請開禹王河故道禹時果否有此河道

與六合山岡石骨難開姑置勿論惟所請在分淮而弱其力不幾攘黃以入泗乎固宜其說之格而不行夫向日之治淮也泗城當淮水之衝未免意存贖顧至今日而舊治沈新州定矣頭鋪河之東盱山之西數十里之地棄以于淮俾得暢流歸湖賈讓上策不過如是爲今日之泗計惟使清口大開則淮漲自平修隄防以遏其來開通溝瀆以速其退昔分淮入江而泗害日增今東淮敵黃而泗害可減矣